

## Prijatelji se ne izdaju

Lični profil delegata u Vijeću naroda RS

**Ime i prezime:** Izet Banda.

**Datum i mjesto rođenja:** 10. juni 1955.

**Koji je Vaš najveći porok:** Nemam ih.

**Biste li donirali organe:** Da.

**Šta pomislite kada Vam crna mačka prijede preko puta:** Sigurno ne zna gdje je pošla.

**Šta svaka dama mora imati u tašni, a muškarac u novčaniku:** Dama malo ogledalo, nesesar sa šminikom i slike od djece i muža, a muškarac novac, slike od roditelja, djece, unuka i supruge.

**Ima li istine u izreci "Ko pjeva, zlo ne misli":** Slažem se s izrekom, samo da je više pjevača.

**Da je sutra smak svijeta, šta biste danas uradili:** Oprostio bih se sa svojim drugovima, drugaricama, porodicom i svim dobrim ljudima.

**Je li bolje danas biti lijep ili pametan:** Treba kombinirati oboje.

**Politika je za Vas:** Politika je za mene profesija i veoma je važna u razvoju društva.

**Jeste li ikada izdali prijatelja:** Nisam nikada, prijatelj se ne izdaje.

**Je li Vaša slava gorkog ili slatkog okusa:** Sve svoje uspjehe, a kojih je dosta, gledam pozitivno i objektivno.

**Otkrijte nam jednu tajnu:** Nemam tajni.

**Čega se najviše sramite:** Ne sramim se ničega.

**Najljepša žena/muškarac je:** Moja supruga Šaha.

**Kada je brak dobar brak:** Kada muž i žena imaju obostrano razumijevanje te kada vjeruju i poštuju jedno drugo.

**Je li jutro pametnije od večeri:** Uvijek.

**Neostvarena želja:** Da moj FK Napredak iz Omerbegovače zaigra u Drugoj ligi FBiH.

**Omiljeni film:** "Valter brani Sarajevo".



Banda: *Voli pozorište*

**Vaš hobi:** Fudbal. **Sportista koji Vas inspirira:** Mustafa Hasanagić.

**Sjećate li se prvog poljupca:** Da.

**Šta je Vaš najveći strah:** Bolest.

**Najdraža pjesma:** "Vrbas voda nosila jablana".

**Kada ste posljednji put bili na izložbi ili u pozorištu:** Redovan sam na pozorišnim susretima u Brčkom.

**Citat koji pamтите:** "Pred svačijom kućom može da zaigra medvjed".

**Omiljena modna marka:** "Legea".

**Osoba koja Vas žircira:** Ona osoba koja je lijena i ne voli da radi.

**RASIPNIŠTVO** U nevladinom sektoru ogorčeni zbog izostanka reakcije

# Revizija institucija nema svrhu bez sankcija

Tužilaštva bi, čak iako službeno ne dobiju revizorske izvještaje, morala reagirati, kaže Korajlić • Nedostaje 55 propisa da bi se regulirala javna potrošnja, objašnjava Porobić

U nevladinom sektoru u BiH smatraju da negativni revizorski izvještaji jesu osnov za pokretanje istraga u nadležnim tužilaštvima. Naši sagovornici su ogorčeni time što frapantni nalazi revizora na kraju ostanu samo puka konstatacija, jer, kako kažu, sankcije za one koji su pronevjerili i nemilice trošili državni novac izostanu.

## Obilna dokumentacija

Ivana Korajlić iz "Transparency Internationala BiH" (TIBiH) smatra da bi tužilaštva, čak iako službeno ne dobiju revizorske izvještaje, morala reagirati po

službenoj dužnosti.

- Znam zasigurno da su revizorski uredi tužilaštvima slali dokumentaciju koja je obilovala nepravilnostima u institucijama - od kršenja Zakona o javnim nabavkama, do zloupotreba druge vrste. Međutim, najveći problem je što nema odgovora tužilaštava, nema ni istraga, a kamoli sankcija - kazala je Korajlić, objašnjavajući da onda i revizije potpuno gube smisao.

Rusmir Porobić iz nevladine organizacije "Kult" kaže da glavni problem predstavlja mogućnost neograničene potrošnje u

državnim institucijama te bi tu nelogičnost trebali riješiti parlamenti i vlade donošenjem kvalitetnog zakonskog okvira.

## Rupa u sistemu

- Mogu reći da imamo rupu u sistemu. Konkretno, neko može nabaviti vozilo od 200.000-300.000 maraka, a da je sve po zakonu. Ako troškovi reprezentacije nisu ograničeni, neko može rasipati ta sredstva, a tužilaštva nemaju elemenata za pokretanje krivične odgovornosti. To je najveći problem - kazao je Porobić.

Kako je naveo, samo na državnom nivou nedostaje 55 propisa da bi se regulirala javna potrošnja.

Podsjećamo da je na naš upit o postupanju po negativnim revizorskim izvještajima u kojima se spominju desetine netransparentno potrošenih miliona maraka Tužilaštvo BiH odgovorilo da izvještaji Ureda za reviziju BiH za njih nisu relevantni za pokretanje istrage te da ih upućuju na postupanje Agenciji za istrage i zaštitu BiH. To znači da se troši dodatno vrijeme na nešto što su revizori već utvrdili. **B. T. - S. D.**

## Milionska putovanja, alkohol i telefoni

Za nadležna tužilaštva do sada nisu bile alarmantne informacije da je Ministarstvo vanjskih poslova BiH na putovanja u 2011. godini potrošilo milion i 790.000 ili na telefoniranje milion i 518.000 KM. Sporni su za revizore, ali očigledno ne i za Tužilaštvo BiH troškovi reprezentacije u iznosu većem od 750.000 KM za održavanje vozila na koje je potrošeno 275.000 KM te troškovi goriva u tom ministarstvu u visini od 422.000

KM.

Tužilaštvo BiH ne nalazi osnov za pokretanje istrage ni u informaciji revizora da je na putovanja u Ministarstvu odbrane BiH samo u 2011. godini potrošeno nevjerojatnih 4.128.672 KM, a za telefonske i poštanske usluge 832.639 KM.

Za reprezentaciju je potrošeno 260.023 KM, gdje je ustanovljeno da su sredstvima predviđenim za "pokriavanje" napitaka plaćana i alkoholna pića!



U državnim institucijama veliki dio utroška novca nema zakonsko uporište

Državne institucije Ministarstvu finansija poslale primjedbe

## Smanjenje broja službenih automobila

Ministarstvo finansija i trezora Bosne i Hercegovine iz nekoliko institucija dobilo je primjedbe na Pravilnik o uvjetima nabavke i načinu korištenja službenih vozila u institucijama BiH.

Tim dokumentom prvi put se uređuje ova oblast tako da regulira uvjete nabavke, broj i način korištenja službenih vozila, a u praksi to bi trebalo rezultirati smanjenjem broja službenih vozila, odnosno znatnim uštedama u državnoj kasi. Osim toga, država bi trebala i zaraditi, jer je predviđena prodaja određenog broja automobila.

Prema posljednjim zva-



Predviđene uštede u državnoj kasi

ničnim podacima, rukovodioci institucija sa svojim zamjenicima i pomoćnicima, bez službenih vozila ko-

vilnikom taj broj trebao bi biti sveden na 221 službeno vozilo.

Pravilnik je pred kraj novembra prošle godine razmatran na jednoj od sjednica Vijeća ministra, ali je zbog određenih amandmana vraćen na doradu.

Kako nam je jučer kazala Nataša Krsman, portparol Ministarstva finansija i trezora BiH, napravljene su neznatne korekcije i Pravilnik je upućen u Generalni sekretarijat Vijeća ministara BiH. Za sada nije poznato kada će se državni ministri očitovati o tom prijedlogu.

**B. T.**

# SMS

**Dnevni avaz**  
**061-142-015**

**PORTPAROL LANA** - Izvjesna novinarka pivarškog "Oslobođenja" Lana Rizvanović, koja je omražena i među kolegama u vlastitoj redakciji, poznata je jedino po tome što joj šefica Vildana Selimbegović i šef Sadić Ahmetović diktiraju tekste. Nakon nezaapažene kratke

karijere u mostarskom "Dnevnom listu" i još kraće u državnoj službi, pristala je biti portparol medijske i privatizacijske mafije. **NIŠTA OD PONUDE** - Idem na skoro svaku gostujuću utakmicu reprezentacije BiH, što finansiram radeći kao ko-

no-bar. Gospoda iz "Centrotransa" mi uredno porukom pošalju aranžmane i ponude. Volio bih i na utakmicu u Zenicu, samo je problem što mi sada gospoda iz "Centrotransa" nisu ostavili mogućnost da kupim kartu, iako s njima saradujem godinama. Ovaj put su me zaobišli.